

ادبیات عمومی و خبری

هفته‌لق سیاسی، ادبی و علمی غزته‌در.

جلد : ۱

سنه : ۱ ۱۲ ربیع الاول ۱۳۳۵ جمعه ایرتسی ۲۴ کانون اول ۱۳۳۲ نومرو ۱۰

قادیلر مرز و حریت

« بجران اجتماعیمز » عنوانله جمماً کوچک، لکن احتوا ایتدیکی مواد نقطه نظرندن زیاده‌سیله مهم و مفید بر اثر انتشار ایتدی . بو رساله‌نک پیش نظر مناقشه‌یه قویدینی مسائلدن بر قاجی بوندن بر قاج گون اول [اقدام] ک باش مقاله‌لرنده تحلیل ایدلش ایدی . کتابچه‌نک اک دوشوندریجی مباحثندن بری ده حریت نسویه‌یه تعلق ایدیور . بو فصل بر طاقم یکی - بلکه اکثریتک هنوز آکله‌یه‌میه‌جی - عمده‌لری محتویدر . مسئله زیاده‌سیله اهمیتلی و طوغریدن طوغری‌یه حیاته متعلق اولدینی ایچون شمذیلک آنی بالالترام مؤاخذه و تجمیل ایتیوب یالکز اجمال ایده‌جکیز .

مؤلف نجیب قادیلرک مدنی و اجتماعی روللرینی قید و تثبیت ایدیور : « هر شیئک بر عنصر متمدن اولقی خصلت و استعدادینی حائز بولمسنه نظراً ، قادیلرکده اهمیت فوق‌العاده‌ینی حائز بر عنصر متمدن اولدقلرینه هیچ بر صورتله اعتراض ایدیله‌مز . اوت ! قادین ، آله بر عنصر در . بونک مدنیتده بر موقع مخصوصی وارددر . بر قافله دیورکه قادین وظیفه تمدینه‌سنی ایفا ایده‌بیلک ایچون خریته محتاجدر . بو حریتی ویرلم ، اوده دینی ایفا ایتسون . محرر حکیم بو فکری بکنمیور . حتی قادیلر طرفندن وقوعبولان تسأل حریتی انحطاط اجتماعیمزک اک مهلاک تجلیاتندن بری عدایدیور . اولاً تستردن قور تولقی ؛ ثانیاً احراز سرآزادکی ایله غرب قادیلرکی یاشامق ؛ ثالثاً صورت متادیه‌ده آرکک ایله مناسباتده بولونمق جمله‌لریله قابل خلاصه اولان مطالبدن ، مؤلف حضرتلرینک قیدنجه شو نتیجه‌لر چیقمشدر : ۱ -) زوجنه‌نک ، زوجک صفت آمریتنی ؛ ۲ -) غیر متأهالرکده ابونک صفت وصایتلرینی طایماملری . بوافکاره ، بر طاقم رجالکده طرفدار اولدقلرینی مصنف قید ایدیور و دیورکه : « بویله بر ذهنیته فریفته اولان آرککار ، غایه‌یجه اتخاذ ایتدکلری غرب مدنیتک ، هیئت اجتماعیه غربیه‌ده قادیلرک حائز اولدقلری فائزیت موقعیه ایله حریت مطلقه‌دن متولد اولدیغنه قانع بولونیورلر . » بو قناعت رساله‌ده قطعیتله رد ایدیلیور : « اکر - پیوریلیور -

تاریخ حرب

[۱۵ - ۲۱ کانون اول ۳۳۲]

رومانیا جبهه حربندن غیری عموم جبهه ارده محاربه اولدینی آنجق محسوس. دشمنلر شیمدی ده رین بر یورغونلق ایچنده دیکله نیورلر و شبهه سز، بهاره اتفاق مریعک پولاد جبهه لرینه باشلرینی چارمق ایچون حاضر لقلرینه کرمی ویرمکه مشغول بولونیورلر .

غرب جبهه حربنده کوچوک مصادماتدن باشقه بر شی یوق . یالکز ۲۹ کانون اول ۹۱۶ تاریخلی آلمان تبلیغ رسمیدی وردونده موز نهرینک صول ساحلنده (اوم مور) ک جنوب یاماچنده و ۳۰۴ رقلی تپه اوزرنده کاش فرانسر موضعلرینک طوپچی ولتم استحضاراتندن صوکره ضبط ایدلیکنی خبر ویریوردی . فرانسلرک مقابل تعرضلری عقیم قالمشدر .

ایتالیان جبهه سنده قارست یایلاسنده آرا صیرا طوپچی فعالیتندن باشقه برشی اولامشدر . روس صحنه حربنده ، اورمانلی قارباتلردن آشای امتداد ایدن (آرشیدوق ژوزه ف) جبهه سی استشنا ایدله حک اولورسه ، معتاد کوچوک فعالیتلردن باشقه برشی اولامشدر .

ماکدونیا جبهه سنده سارای اوردوسی ، یاترا کم ایتدیره بیلدیکی قوتلری توکندیکندن ، یاخودکه فرانسر وانکلر اوردوسنک آلیشیق اولمادینی سرت بر اقلیمده قیشک بوتون شدتی اجرای فعالیتله باشلادیغندن ، حرارت حربیه سنی کیت کیده آزالتمقده در . صوک هفته ده یالکز خفیف طوپچی فعالیتلری وقاره غول مصادمه لری اولمشدر . رومانیانک ، محو اولمشدر ، دینه بیله حک راده یه کتیرله سی اوزرینه شیمدی اتلاقجیلری سارای اوردوسی ایچون بر اندیشه آلمقده در . اونلر (هینده نبورغ) ک بودفعه سارایه هجوم ایدن جکدن وقرال قسطنطین اوردوسیله تشریک فعالیت ایله یه جکندن قورقیورلر . حتی رزالتله قوغولمقدن ایسه ، سارای اوردوسنک طوعاً کری چاغیرله سی لزومنی شدتله ترویج ایدن فرانسر عسکری منقلدری بیله وار . فکر مزجه ، سارای سفری اولجه لزومسز وتصلفکارانه ایدی . شیمدی رومانیان ازیلا کدن صوکره ایسه بر جنتدر .

صوک هفته ده رومانیان جبهه سی فعالیت حربیه اک یوکسک درجه سنی بولدی . کچن نسخه مزده افلاق کبیرده یکی باشلایان محاربات عظیمه دن بحث ایتمش و « بو کونلرده هر حالده مراق آور وسوق الجیشجه یک مهم محاربات کوروله جکدر » دیمش ایدک . ما کنزدن غروپنک صول جناحنده اجرای حرکت ایدن ۹ نجی جنرال فالکنهاین اوردوسی (رینقول سارات) ک غرب جنوبیسنده ۱۷ کیلومتر وعرضنده دشمن مواضعنی یارمقله ایسه باشلایه رق مذ کور شهری ضبط و دشمنی طرد ایتدیکی کی ، صاغ جناحده طونه اوردوسی دخی (بوزه ئو) نهری خطنده و (ابرائیل - بوزه ئو) شمندوقری اوزرنده دشمنی طرد ایده ایده ایلری حرکاتنه دوام ایله مشدر . اون بیکلرجه اسیر آلتق صورتیه توج ایدن بو تعرضات شیمدین (ابرائیل) و (فوقشانی) سر کوپری موضعلری اوکته دایامشدر . هر کونکی تبلیغ رسمیلرده دشمنک فوق العاده عنودانه مدافعه ایتدیکی یک مستحکم موضعلرندن چیقارلدینی بیلدیرلمکده در . برده ایدیلن محارباتده و آلتان اسرا ده پ روسلردن بحث اولتمقده در . شو خبرلر کوستریورکه روس باش قوماندانلغی شیمدی جریان ایتکده اولان محارباتک ، رومانیان بر طرف ، روسیه ایچون درجه نه یاده مهم اولدیغنی تقدیر ایتکده در .

فی الحقیقه رومن اوردولرینک اداره سنی ده در عهده ایدن روس باش قوماندانلغنک ، آرتق شیرازه سی بوزولمش اولان رومن قوتلرینی جبهه دن کری آلدیغی ویرلرینه ، تخمین ایدلیکی وجهله ، هر طرفدن روس قوای امدادیه سی کتیردیکی کورولیور . بوندن باشقه روسلر ، ما کنزدن تعرضاتی

توقیف ایچون (بوزه ئو) نه‌ری ایله (سهره‌ت) نه‌ری آره‌سنی باشدن باشه صحرا تحکیماتیه وهر فداکارلقه تحکیم ایتمشلدور. لکن شو موسمه جدا شایان حیرت بر قدرته اداره ایدیان اتفاق مربع اوردولری بوتون بو تحکیماتی آدیم آدیم بر هفنه‌ده قطع ایدهرک شیمیدین (ابرائیل - فوقشانی) خط مستحکمی اوکینه وارمشلدور.

روس باش قوماندانلی صاغ جناحتی شرقی ترانسیلوانیا طاغیرینه وصول جناحتی طونه‌نهرینه استناد ایتدیره‌رک و آرقه‌سنه (سهره‌ت) زرهلی خطنی الهرق تقریباً ۱۰۰ کیلو مترولق دار بر جبهه‌ده بزی توقیف ایدیه‌یه‌جکی ظن ایدیوردی. فقط ایشته ما کنزن غروپی بر شدت بطش ایله خصمنی جبهه‌دن یاردقدن ماعدا، شرقی ترانسیلوانیا داغلی اوزرنده وقت مرهونه انتظاراً حال تدافعیده قالان جنرال آرشیدوق ژوزف قوتلری ده درت بش کون مقدم تعرضه‌کچهرک (اوتوز)، (اوز) و (کیمز) کچیدلرینی آشمشله، (زابالا نارویا) و (پوتنا) وادیلرینک فوق‌العاده صرب واورمانلی تپه‌لرنده شیمیدین ۲۰ - ۳۰ کیلومترو قدرتی ایتمشلدور. شو موسمه اک شدید قار فیرینالرینه جلوه‌گاه اولان بو یزلده جنرال فون (کاروق) قطعاتک اختیار ایتدکلری بو یک مشکل داغ تعرضک مهم بر غایه‌سی واردرکه اوده شمالدن (سهره‌ت) نه‌ری خطنی و (فوقشانی) مستحکم سر کوپری موضعی احاطه ایتکدر. غربی بوغدانک بویه‌جه قطع واستیلانی، دشمنک صاغ جناحتی تهدید و (سهره‌ت) زرهلی جبهه‌سنه عطف ایتدیکی قیمتی یک زیاده تنزیل ایده‌جکدر. ذاتاً بو زرهلی جبهه و قتیله روسله قارشی یاپیش اولدیغی ایچون اخیراً اصلاح ایدیش اولسه‌ده، غربدن و جنوبدن کلن بزم تعرضه نه درجه مقاومت ایده‌جکی جای سؤال ایدی. دوبریجه‌ک قسم شمالیسی تماماً استیلا ایدشدر. یالکز دشمن، عنودانه مدافعه‌یه چالیشدیغی (ماچین) سر کوپری موقعی اطرافنده کی تپه‌لردن اصل خطه‌منجکه طرد اولمشدر. بورانک ده ضبطی آرتق کجیکمیه‌جک و بوتون دوبریجه‌له ایزه کچه‌جکدر. دوبریجه‌ک ضبطک نه قدر مهم اولدیغی آکلامق ایچون، طونه نه‌ری قوللری اوزرنده شمدیدن حاکمیتزک تأسس ایتدیکنی و بر بولمار تبلیغ رسمیسنک (سنه) لیمانک طوپه طوتلایغندن بحث ایله‌دیکنی سوله‌مک کفیدر.

هر حالده رومن جبهه‌سنده، مهم بر دوره‌ده‌یز. روس - روملر (صوک) محاربه‌یی (ابرائیل - فوقشانی) خطی اوکنده ویریورلر. فقط ما کنزن و آرشیدوق ژوزف غروپلری اوقدر ماهرانه و عزیمکارانه مانوره یاپورلرکه کجک نسخه‌مزنده خصمک (سهره‌ت) خطندن طردی یازیه‌یه جکمی قویاً ظن ایدیورز.

عثمانلی جبهه‌لرنده مهم برشی اولامشدر. یالکز روسلرک همدانک ۵۰ کیلومترو غرب شمالیسنده صوباشی موقعنده وانکیزلرک دجله جبهه‌سنده یاپدقلری تعرضلر موفقیتله بوسکوردلشدر. عثمانلی قوتلری کرک دوبریجه‌ده، کرک افلاقدنه طونه اوردوسنده، کرک استروما و غالیچیا جبهه‌لرنده صوک هفته دخی شانلی موفقیتلر کوسترمشلدور. بالخاصه دوبریجه‌ده بابا طاغ خطی شمالنده خصم جبهه‌سنی اوچ بش مثلی فائق قوتلره رغماً یاران تورک قوتلری اولمشدر.

۱۹۱۶ سنه‌نی ختامه ایردیکی و بزم صالح تکلیف ایتدی کمز صیراده، حربک بر بلانچوستی یاپارسه‌ق خصملریمزک النده آلساده، آوستریا جبهه‌سنده، غالیچیا و بوقوویزاده تقریباً ۳۰ بیك، بزم طرفک النده مختلف آوروپا جبهه‌لرنده ۵۳ بیك کلومترو مرایی بر بولندیغی کورورز. یکی کیردن ۱۹۱۷ سنه‌سی ایسه، خصملریمز صلحدن اجتناب و تعند ایتدکلری صورتده، بویکونی یک زیاده آرشدیراجقدر.